

Santa Pacinzia

SANTA PACINZIA

SANTA PACINZIA

COMMEDIA IN TRE ATTI DI

MARIA LORENZA CARUSO (LAURA)

POSIZIONE SIAE: 226342

E- MAIL: lauracaruso75@libero.it

TEL: 329/3867887

GENERE: COMICO

NUMERO ATTI: 3

PERSONAGGI: 4 M e 3 F

GEROLAMO VITTINI

CONCETTA(moglie di Gerolamo)

GAETANO(loro figlio)

CATERINA(fidanzata di Gaetano)

ROSALIA (vicina di casa dei Vittini)

BASILIO (amico di Gerolamo)

BENIAMINO(medico)

1 ATTO

Un ampio soggiorno, arredato stile anni sessanta; tavolo con quattro sedie al centro della stanza, atre due sedie appoggiate alla parete. La porta a sinistra comunica con le stanze da letto, la porta a destra comunica con la cucina. Sulla parete destra c una finestra. Sono in scena allaprirsi del sipario Gerolamo e

Concetta. Lei si accinge a pulire in modo particolare una sedia, mentre lui le si rivolge con atteggiamenti sarcastici. La tavola apparecchiata con ogni bene.

CUNCETTA:(Canta Vitti na Crozza, quando il marito entra in soggiorno) Ma cumu ti cuminasti tu, a taliati chi si biddu!

GIROLAMU: Pirch chi c?

CUNCETTA: Talia, talia, a cravatta torta, a cammisa nisciuta! A Signuri Signuri a si un ci fussi ia cumu avissitu a fari! Cu tavia pigliari, menu mali ca trovasti a mia!

GIROLAMU: Dici tu, ia mmeci dicu ca si un mi ncastravavu cu stu matrimuniu, pirch stu matrimuniu fu nincastru, putiatu fari la muffa a forza daspittari ca qualcunu ti maritava! Sulu pi Carnevali ti putivanu mpaccari e sorteggiari pu Tomboloni, e vidi chi bella quaterna ca savia truvare! Caa chiddu chi grapia lu paccu cavia pigliari lu sticchi- stacchi! Ma zittuti, zittuti, pi fauri attuppati ssa vucca! Invece di parlari dicu ia ma pirch un ti la livi ssa pezza di mmani ca a nantra tanticchia chiddi sunnu cc!

CUNCETTA: S lu sacciu, lu fattu ca sugnu emozionata un voli diri ca sugnu stunata!

GIROLAMU: Si vidi macari! Avi mezzura ca un fa antru chi pulizzari sempri la stessa seggia, lantri chi fa un ti piacinu?!!!

CUNCETTA:(contraddicendolo) Chi centra chissu, ma tutti cosi ia tha spiegari! Ccasi cava assittari Caterina.

GIROLAMU: Allora lantri un nni lavi u capivu, ma pua pirch propria nni chissa, sicura si ca appena arriva ta nora sassitta dducu?

CUNCETTA: Certu ca sugnu sicura, pirch si un si cassitta idda, cci la fazzu assittari ia.

GIROLAMU: Ma pirch?

CUNCETTA:(indicando le due sedie appoggiate alla parete) Pirch una di lantri du ca restanu mezza rutta, datu ca tu unnaggiusti mai nenti nni sta casa; ni lantri tri nni camma assittari nantri cumu sempri, e perci chissa pi idda. Ma tutti cosi ia tha spiegari!

GIROLAMU: Ma allura si mi puzzu permettiri, vistu ca si tu sula lallitrata, pirch chissi du un nni livi di mizzu?!!!

CUNCETTA: No chi namma fari pigliari pi puviriddi! La stanza cu quattru seggi suli un ni fa fiura.

GIROLAMU: Siddu per capitammu nni chidda mezza rutta, amma fari na fiura

CUNCETTA: Fidati, chissi quattru (li indica), sunnu sani, ti lassicuru ia.

GIROLAMU:(si avvicina alla sedia che la moglie pulisce) Ma a tali alla giusta, veramenti a mia chissa mi pari chidda mezza rutta!

CUNCETTA: Minchiuni chi testa! Ma chi lava diri a mia! Fidati ti dissi.

GIROLAMU: Cumu dici tu. Tantu migliu ca mi staiu mutu, pirch quannu tamminchi cu na cosa, un ci po nuddu! Basta unni parlammu cchi, cumu dici tu!!! (suona il campanello, e i due si emozionano) Iddi sunnu,cci vaiu ia a grapiri, tu levati ssa pezza di mmanu! (va ad aprire) Oh! Caru Basiliu, trasi, trasi.

BASILIU: Girolam, passava di cca e mi dissi, vaiu a truvare a ddu biddu cristianu di Girolamu ca avi neternit ca un lu viu (rivolgendosi a Concetta) salutammu zza Cunc.

CUNCETTA: Salutammu caru zzi Ba

GIROLAMU: (interrompendo la moglie) Beh! Neternit un esaggerammu, chi vua ammu statu nchiffarati.

BASILIU: Atu statu schiffarati? Tu sicuramenti! Ma ta muglieri, taliala dda santa donna, ti prepara lu mangiari, abbunnatu pi giunta! Mih, ma pua quantu mangi?

GIROLAMU: E abbunnatu caru Basiliu, pirch oi la prima vota ca ma nora veni a mangiari cc. Sa com, lantru iurnu ma figliu nni purt a canusciri la zzita

BASILIU:(interrompendolo) Chi ti purt a fumari la pipa?!!! Ma chi ss pazzu? (non lascia parlare Concetta e Girolamo che vorrebbero spiegargli) Pirch ti vua rovinari, ma pau a stet cci pinzasti? Ia un capisciu pirch ta pigliari ssu vizziazzu disgraziatu, di ssu schifiu di

GIROLAMU:(cerca di calmarlo) Sta tranquillu, ma chi capisti, ia ti dissi ca ma

figliu si fici zzitu e oi amma mangiari cu ma nora.

BASILIU: Chi? Ata mangiari fora? Ma cumu cu tuttu chiddu ca cc preparatu cca! Un ha rispittu mancu pi ta muglieri ca ti prepar tuttu ssu beni di Dio!

GIROLAMU:(innervosendosi) SANTA PACINZIA, ia ci rinunci u faricciu capiri, mah! Caddivint surdu tutta na vota?!!!

CUNCETTA: (rivolgendosi al marito) Ma tu invece di gridari daccuss, pircu un ti cavvicini alloricchi e ci lu spieghi, accuss lavissi a capiri (non del tutto convinta) criu, forsi.

GIROLAMU: Chissa per lultima vota ca cci pruvu, o lu capisci o un lu capisci (seccato si avvicina all'orecchio di Basilio e gli urla) Bas, prontu ci senti, pirci, oi amma mangiari nzemmula a la zzita di ma figliu, u capisti?

BASILIU: Ata mangiari cu la zzita? E chi cci vulia a dirimillu.

GIROLAMU: U cap! SANTA PACINZIA.

BASILIU: Ma scusa a zzita di cu?

GIROLAMU:(urlando) Di ma figliu!!! Di ma figliu! SANTA PACINZIA!!

BASILIU: Ah! Di lu cunigliu! (ripensandoci) Di lu cunigliu!!! (nervoso) Ma tal chi mi vua pigliari pi minchia, cerca di un mi fari perdi la SANTA PACINZIA, nece ti parica sugnu fissa!!! Oh!

GIROLAMU:(innervosendosi) Ma cu ca ti voli pigliari pi fissa! (tra s) Pariva troppu stranu ca lavissi caputu, chi cha cummattiri ia, SANTA PACINZIA.

CUNCETTA: Ma chi cci vua fari, si vidi ca oi un carriva a cornetta, la vita, ddu mischinu un nnu fa apposta, vulissi vidiri a tia, si vidi ca oi un ci senti bunu, chissa

BASILIU:(interrompendola seccato) Fissa ?!!! Ah! Sparti sugnu fissa ia, mancu so maritu cavi mezzura ca grida cumu si ia fussi surdu. Basta migliu ca mi nni vaiu; cosi di pazzi, unu veni a faricci visita e sparti macari lu piglianu pi fissa

GIROLAMU: Fissa fissafissa! Pi cortesia vatinni va SANTA PACINZIA cu cci cummatti cu tia!!!

BASILIU: Chi cummatti cu na malatia? Oh!... Mi dispiaci, pirchissu dici tutti ssi fissarii, ma percasu chi pigliasti ddu maledettu viruss ca c accamora ngiru? Haiu sintutu diri ca porta problemi di stititicezza, av? Ma un ti preoccupari, ca subito passa. Per migliu ca chiami lu dutturi, un si po sapiri mai cocchi complicazioni. Manzumma minni vaiu ia, si ha bisugnu u sa unni staiu.

GIROLAMU: Ma oi un iurnata di penzioni, Bas?

BASILIU: S infattistai innu propria a pigliarimilla. Arrivederci.

GIROLAMU: Arrivederci. (lo accompagna) Ma cosi di pazzi, ia dicu, cu tutti li grana ca avi, pirch un si va cura ssa surdania ca cci vinni!

CUNCETTA: S, parli cumu siddu un lu canuscissitu, un nnu sa ca chiddu pi na lira, na lira, cintu punti nculu si facissi dari!

GIROLAMU: S certu ca lu sacciu, tant veru ca quannu cci dissi pi la penzioni, cumu pi miraculu ci sint subito (suona il campanello).

CUNCETTA: (agitatissima) Stavota iddi sunnu. (rivolta al marito) Curri, curri, allistiti.

GIROLAMU: Chissu un si po diri, nni sta casa po succediri di tuttu, cci vaiu ia a grapiri, sperannu ca un fussi qualchi urbu o qualchi mutu; (va ad aprire) menu mali ca siti vuantri, vaspittavamu cu tantu desideriu. (Gaetano e Caterina entrano)

CUNCETTA:(saluta Caterina) Bongiornu, cumu sta?

CATERINA: Bongiornu, bbeni grazie.

CUNCETTA:(li fa accomodare sul divano, mentre lei va in cucina a prendere le ultime cose) E migliu ca ora nassittammu ntavula, ca sunnu tutti cosi pronti. (Caterina sta per prendere una sedia qualunque per sedersi e non quella prevista da Concetta) No Caterin la mamma, dducu no...amam, chissa la seggia di ma maritu, chi vua chiddu si un sassitta dducu un sapi mangiari, lu mangiari carresta nni li cannarozza!

GIROLAMU:(rivolto alla moglie) Cumu dici tu! Ha cummattiri puri cu tia oi, av?

CUNCETTA: Zittuti!!!(mentre Girolamo e Gaetano si siedono, rivolta a Caterina)

Chissa seggia pi tia, la pulizziavu fina a falla lucidari! (Concetta si siede)

CATERINA: Cumu dici vossia, pi mia u stessu . (intimidita dalla scena di prima rimane ancora in piedi)

CUNCETTA: Assittati, assittati.

CATERINA:(si siede, avvicina con le mani la sedia al tavolo e dopo un qualche minuto, si sente un gran botto) Ahi! Ahi! Chi dulari!!!(tutti rimangono a guardarsi stupiti, Concetta cerca di rimediare ma non appena si avvicina a Caterina, il figlio la insegue accusandola, poi si avvicina alla fidanzata che sembra essersi fatta male; Caterina guarda tutti quasi vergognandosi, ma appena il suo sguardo si incrocia con quello del suocero)

GIROLAMU:(indicando la moglie) Idda fu ma muglieri, lo giuro, ia un ci trasu nenti, mha cridiri. (lancia alla moglie sguardi fulminei)

CUNCETTA:(non riesce a dire niente) Ia veramenti cridiva ca Era sicura

GIROLAMU: Zittuti, zittuti, ti lu diceva ia, ca chissa era chidda mezza rutta. Ma tu si sempri sicura di tutti cosi.

CUNCETTA: Staiu ristannu di scema, Bedda Matri sugnu mortificata Caterin! Un haiu paroli! (Gaetano cerca di sollevare Caterina, ma da solo non riesce)

GIROLAMU:(va in aiuto del figlio ma quando sono riusciti a sollevarla, Girolamo preso dal nervoso la lascia andare e la ragazza cade nuovamente) Un ha paroli veru, ma ia cci lhaiu na cosa di ti diri e sa qual ?!!! Ca sti seggi ti li fazzu livari ia di mizzu na vota pi sempri per, pirci ti li rumpu tutti ntesta. (Girolamo insegue la moglie con la sedia in mano, deciso a rompergliela in testa, mentre sichiude il sipario).

FINE 1 ATTO

2 ATTO

Concetta seduta al tavolo mentre si accinge a rammentare con ago e filo i calzini del marito, quando suonano alla porta, va ad aprire Rosalia.

CUNCETTA: Ciao Rosal, assittati, assittati, cumu sta? Chiff ti la fazzu na tazza di caf, chi dici?

ROSALIA: Nonzi zza Cunc, minna ghiri, haiu prescia, nantru iurnu mi lu pigliu. Vinni veramenti pi farivi laguri pi lu fidanzamentu di Gaetanu, macari lhaiu avutu a vriogna, cca vicinu e un haiu pututu nesciri ca ma m sa sintutu la frevi dincuddu e perci a statu curcata.

CUNCETTA: Veru? Ia nenti nni sapia, senn chi fa un lavissi vinutu a truvare! E ora cumu ?

ROSALIA: Mah, migliulidda, ringraziannu a Madunnuzza, anzi si scusa ca un potti viniri e vi fa tanti auguri pi Gaetanu, quannu si senti bbona veni puri idda.

CUNCETTA: No! Mancu lha diri cchi! Doppu avvicinu ia, anzi mi dispiaci veramenti, si lavissi saputu

ROSALIA: Un si dispiacissi, nenti cci fa.(suona il campanello, Girolamo che era in cucina appena sente suonare il campanello, entra di corsa in soggiorno e)

GIROLAMU:(rivolgendosi alla moglie) Un grapiri pi fauri

CUNCETTA: Pirch chi successi?

GIROLAMU: Nenti successi, mentri era affacciatu a finescia da cucina, vitti a ddu surdu di Basiliu, cha cummattiri ia?!!!(urlando) SANTA PACINZIA!

CUNCETTA: (Basilio suona alla porta e Concetta va per aprire) E un gridari ca ti po sentiri!

GIROLAMU: Mi po sentiri, sicuru!!! Un ci senti di dintra figurammuni di fori! E chi cavissi dittu va grapi subito! Mi po sentiri!!!

CUNCETTA: Ma secunnu tia cavissi a fari, pirch un ti nni va dd dintra e mi fa grapiri cavi mezzura ca sona.

GIROLAMU: Propria minni staiu innu, chiamami sulu si chiedi di mia, anzi si nni po fari a menu migliu ancora. Anzi dicci ca un ci sugnu. U capisti mi raccumannu!Un ci sugnu!

CUNCETTA: S s u capivu.

GIROLAMU: Un ci sugnu, un ci sugnu, mi raccumannu

CUNCETTA: Va bbeni un ci si, u capivu; ora vatinni per e fammi grapiri. (va ad aprire) Bongiornu.

BASILIU: E chi siti surdi nni sta casa! Avi mezzura ca sunu, nantra tanticchia putiva stari, mi stava unchiannu li lu itu a forza di sunari.

CUNCETTA: Mava scusari, ma era dddintra ca stavastava sistimannu la cucina.

BASILIU: Chi stava spinnannu la gaddina? Pirchissu di fora si sintianu tutti ssi vuci. Mavia parutu sa maritu ca si sintiva mali, cumu sta oi? Ci ghiutu a

CUNCETTA: Unni avia ghiri? (glielo urla all'orecchio)

BASILIU: Chi dissi un era attentu, po ripetiri?

CUNCETTA: Si un era attentu, a cu voli pigliari pi fissa. Benedetta Madonna, dunami dda Santa Pacinzia ca ma maritu mintua sempri, pi carit!

BASILIU: Ancora ass cci voli?

CUNCETTA: Pi fari chi ca un mi ricurdu?

BASILIU: Ah! Un si ricorda chiddu ca mavia diri? Nenti cci fa, un si preoccupassi la capisciu, quannu accumincianu a passari lanni

CUNCETTA: Ma cumu si permetti? E pua vossia chi si senti cchi picciliddu di mia?

BASILIU: Certu ca mi lu ricurdu ia!!! Chi vulissi nzinuari? Stavamu parlannu di sa maritu e ia cci chiesi si Girolamu avia iutu a (Concetta fa cenno con le mani come per dire dove) Ma pi forza mi lava fari diri? Aaa u cea u bagnu, va! Un avia problemi di stititicitizza?

CUNCETTA:(che finalmente si ricordata del giorno di prima) Ah! S, s come no! (gli fa cenno con le mani di sedersi sul divano) Ora chiamu a ma maritu. Girolamu, Girolamu, (tra s) fa finta ca un ci senti stu disgraziatu!

BASILIU: Chiff un ci senti?

CUNCETTA: E si vidi ca cammisc a malatia vossia. (si avvicina alla porta che comunica con la cucina) Girolamu vidica cca ci sunnu ospiti cus un lavissitu caputu.

GIROLAMU:(dalla cucina) E chi cavissi dittu SANTA PACINZIA; un minutu ca prima di viniri dducu, migliu ca mi fazzu na tazza di camomilla. (intanto che Girolamo e la moglie parlano, Basilio continua a chiedere di lui)

CUNCETTA: S ma allistiti ca chiddu un po stari cchi senza di tia. (si rivolge a Basilio) Saspetta tanticchia ca nni stu minutu ma maritu occupatu.

BASILIU:(imbarazzato) Cc bisugnu ca mi lu dici?!!! Ma pua tutta na vota cci vinni, a chi era stiticu! Mah!!!

CUNCETTA:(allorechio di Basilio) Ma ia chi cci dissi?

BASILIO: Ca cacatu chi mi dissi vossia, accuminciammu arriri cu sta pigliata pi fissa!!!

CUNCETTA:(nervosa glielo urla) Ia cci dissi ca occupatu. U cap ora?

BASILIU: Sissi sissi un gridassi, u capivu ca curcatu. Mava scusari, let si fa sentiri anchi pi mia, per cosa di nenti, Avi na pucu di iorna ca quannu si parla pianu pianu mi sfuggi cocchi parola, fissariichi capitanu a li vivi, chi c di fari.

CUNCETTA: Irisi a curari!

BASILIU: Irisi a curcari, arraggiuni avi, ma sapi com un ci sugnu abbituatu a dormiri ass. (pausa) Ma sa maritu chi fa un si po susiri du littu, ca ritarda a viniri.

CUNCETTA:(tra s) Ci lha fari ristari pi sempri si un sarricampa, ca mi sta tininnu nni lu mpirnu.

BASILIU:(tra s) Mischina veru mezza surda ava essiri a zz Cuncetta, pi un arrispunniri a nzocchi caddumannau!(pausa, poi si accorge di Rosalia e rivolto a Concetta) Ma cu sta bedda picciotta?

CUNCETTA: ERosalia un la canusci? Sta nni lu chianu cca fora.

BASILIU: Ah! A sa nora!!! Bedda veru si la scigl Gaetanuzzu, e prosita.(Rosalia guarda stupita Basilio e cerca di contraddirlo).

CUNCETTA:(rivolgendosi a Basilio) Nooo, ma chi cap? Ma nora la figlia du zz Tot, Caterina ca sta cca vicinu!

BASILIU: Ma pìrch ia chi cci dissi, u capivu a sa nora ca sta nni lu chianu. Per pi fauri un gridassi, va bb ca cci dissi ca quannu si parla pianu, ogni tantu, dicu ogni tantu mi scappa cocchi parola, ma un c bisugnu di ittari ssi vuci, un sugnu surdu vidissica.

CUNCETTA:(rivolgendosi a Rosalia) Arraggiuni avi un sulu surdu, ma puri minchiuni. (rivolta poi a Basilio gli indica con le mani che arrivato Girolamo) Finalmente, cca c ma maritu. (rivolta al marito) Putiatu stari nantra tanticchia, (ironica) un ti preoccupari, cci cummattu ia cu lu pazzu, av?!!!

BASILIU: Oh! Finalmente cumu ti senti oi, cchi migliu av? Cha iutu a lu bagnu?

GIROLAMU:(ironico) Ancora no, ma sugnu sicuru ca cu li nirvi chi mi fa pigliari ora, ci vaiu subbitu!!! Ca mava viniri un curpu di cacaruni ca haia attuppari puru lu gabinettu!

CUNCETTA: Tal ia vaiu a fazzu na tazza di caf ca nni lu vivimmu.

BASILIU: Chi vivimmu? Ma chi siti pazzi e pua astura, viviri?! Zz Cunc, siddu voli fari na tazza di caf laccittu volentieri, ma viviri nenti, mi spiaci. Senza offesa per.

CUNCETTA: Quali offenniri, chiff un lu capimmu! (irritata)

GIROLAMU: SANTA PACINZIA!

CUNCETTA: Ora cci voli, Santa Pacinzia. (con compassione verso Basilio) Mah! Cumu dici vossia. (va in cucina)

GAETANU:(entra in soggiorno) Buongiornu zz Bas cumu iammu?

BASILIU:(non risponde perch non ha sentito e) Chiff un si saluta cchi? Sti giovani doggi! (pausa) Comunque auri pi la bedda picciotta.

GAETANU: Grazie, grazie. (tra s) Mah! Cu lu capisci!

GIROLAMU: Un ci dari cuntutu pi cortesia, caddivint surdu e capisci na cosa pi nantra.

GAETANU:(rivolto al padre) Cumu addivint surdu? Tutta na vota?

GIROLAMU: Gi propria accuss! Tu fa finta di nenti nzocchi ti dici dici, un ci dari

cuntu.

GAETANU:(vedendo Rosalia) Ciao Rosal, ass avi ca unni vidimmu?!

BASILIU:(scandendo bene le parole) Ciau amuri m, ass avi ca unni vasammu?!!!
Chi vriogna Santa Pacinzia sti giovani doggi, un savvriognanu cchi di nenti.
(rivolto a Gaetano) Accuss si parla cu la zzita?

GAETANU: Zzita, ma quali zzita chi cci pigli a fuddia?!!!

BASILIU: Chi cci nni frega a vossia? (si alza innervosito) Veni cca ca ti fazzu vidiri
ia chi mi nni frega! Facchinu, dopu ca ti canusciu di quantavi ca nascisti, anzi di
prima ancora!!! (rivolto a Gerolamo) E tu, nenti cci dici, ia un vi capisciu cchi?!

GIROLAMU: SANTA PACINZIA! (rivolto a Basilio) Chi cavissi a diri ia, siddu si tu
lu stunatu!

BASILIU: Vastunati, propria ha arraggiuni, cavissitu a dari vastunati!

GIROLAMU: Li vastunati nni li gruicchi ti lha dari, accuss vidimmu siddu si
stuppanu tanticchiedda. (tra s) E migliu ca cangiammu discursu. Bas li pigliasti li
sordi airi, ca quannu ci ivu ia, la banca era china?

BASILIU: No! Ia aspittavu. Sa com? Cu tutti li cosi chi si sintinu diri, cu arrobba di
cca cu arrobba di dd, ia mancu di la banca mi fidu cchi, e a custu di stari dd tutta
la iurnata, li sordi appena arrivanu mi lha ghiri a pigliari. Anzumma, ora mi nni
vaiu ca haiu chi fari. Macari passu dumanu pi vidiri cumu sta. Nni vidimmu a tarda
per, pirchprima a ghiri nni Tot, ca dicica la figlia si fici zzita macari idda. Cha
ghiri a faricci laguri, cu Tot nni criscimmu nzemmula, accuss viu di canusciri cu
stu zzitu, ca un lhaiu caputu.

CUNCETTA:(entrando in soggiorno) Avi na iurnata ca circu di spiegariccillu, zzita
cu ma figliu; Nantri simmu tutti cuntenti pirch Caterina, vossia u sapi, na carusa
troppu intelligenti.

BASILIU: Cu ccu zita? Cu un mizzu delinquenti?!!! Ma cumu si permetti? Sa
vidica chidda na picciotta assinnata, un certu cumu ssi giovani dducu (indicando
Gaetano e Rosalia) ca un sannu cchi chi cosa vol diri educazioni! (arrabbiato)
Arrivederci! (Gerolamo lo accompagna)

ROSALIA: Mi nni vaiu videmma ia, va viu cumu sta ma m, arrivederci. (esce)

GAETANU: Ia vaiu in cucina va, mi va vivu ddu caf, u facisti m?

CUNCETTA: Ss, sulu ca pua, cu larteri chi mi fici smoviri ddu Santu cristianu, mu scurdavu dd dintra, va pigliatillu. (Gaetano va in cucina)

GIROLAMU:(rivolto al figlio) Tal cha fari, portaminni na tazza a mia videmma.

GAETANU: Va bbeni, ora tu purtu, ma quanti cucchiaini di zuccaru cci vua?

GIROLAMU: A du, tri, un abbastanza la vita amara, macari lu caf. (Gaetano va in cucina, ritorna in sala e dopo aver dato la tazza di caff al padre ritorna in cucina.

Nel frattempo Gerolamo rivolto alla moglie) Vini cca, camma parlari. Tavia dittu di un mi chiamari, per nessun motivo!

CUNCETTA: Ma zittuti, zittuti, ma siddu chiddu vulia a tia, a cu cavia chiamari?

GIROLAMU: Vulia a tia! E siddu vulia u sceccu, chi cci ivatu a chiamari u sceccu?

CUNCETTA: No cci iva a chiamari a tia! (prende la tazza di caff del marito che ancora non aveva bevuto)

GIROLAMU: Mu u caf, mu u caf ti dissi!

CUNCETTA: No, scordatillu! (ignorandola in cucina ma torna subito dopo indietro e accortasi che il marito in ginocchio si mette ad origliare dalla porta comune senza farsi notare)

GEROLAMU: Tal a chista mancu di na tazza di caf sugnu patruni cchi! (inginocchiandosi davanti al quadro della Madonna) Madunnuzza mia facitimillu un miraculu. Fa ca ma muglieri si putissi stuccari li gammi, E COSI SIA, chi cci putissi cadiri la lingua quantu accuss un parla cchi, E COSI SIA, chi putissi viniri na trumbazza daria e sa purtassi agnuna agnuna, ca un nni puzzu cchi, E COSI SIA

CUNCETTA:(fino ad allora affacciata alla porta entra in soggiorno e facendosi sentire, rincorre il marito) Ora ti la cuminu ia, timpu mha dari, mha dari timpu E COSI SIA!!!

GIROLAMU:(continua a scappare) Cuncittina finiscila, Cuncittina finiscila! (si chiude il sipario)

FINE 2 ATTO

3 ATTO

E domenica mattina e Gaetano si alza pi tardi del solito, ancora in pigiama va in soggiorno, mentre Concetta pulisce.

CUNCETTA: Ma chi fa ancora in piggiami, pirch un ti va cangi?

GAETANU: No, mi siddia un mi sintu tantu bbunu

CUNCETTA: Chi ha a stititicitizza puru tu.(scoppia a ridere)

GAETANU: Ma chi ti piglia, ti fa ridiri u fattu ca mi sintu mali?

CUNCETTA: No figliu mia tu un pua capiri, pirch lantru iurnu un ceratu, sa chi successi, Basi

GAETANU: M, un vugliu sapiri nenti ca mi sintu mali ti dissi!

CUNCETTA: Ma chi ti senti, la mamma?

GAETANU: Chi sacciu, mi gira a testa, ora mi vaiu a curcu. Ma veramenti avissi a ghiri nni Caterina

CUNCETTA: Ma pirch un ci po iri cchi tardu si ti senti mali?

GAETANU: Arraggiuni ha, ma unni u pap?

CUNCETTA: Unni po essiri di duminica matina chiddu! A passiaru. Datu ca la simana travaglia, dici iddu, di duminica fa u zingaru. Ma ora savissi arricampari, gi mazziurnu.(Gaetano si sente sempre peggio e Concetta con voce affettuosa gli dice) La mamma va curcati, un criu ca oi a cadiri nterra. Chi fa ti la fazzu na tazza di latti?

GAETANU: No, nenti vugliu.(si alza e va in camera sua)

CUNCETTA: Mah! Cumu dici tu. (rimasta sola e preoccupata) Ma chi punnu essiri ssi giramenti di testa, chi avi u figliu mia? (suona il campanello) Si arrivu, arrivu.

(va ad aprire)

GIROLAMU: Finalmenti dintra, chi

CUNCETTA:(ironica) Pirch un arristavatu nantra tanticchia, ancora prestu !

GIROLAMU: Zittuti va, macari tu cci vua!

CUNCETTA: Pirch chi ti successi?

GIROLAMU: SANTA PACINZIA, avi na matinata chi cummattu cu Basiliu a la chiazza, un sulu chissu, nni vinnimumacari nzemmula ca avia ghiri nni Tot, pi cci fari laguri.

CUNCETTA: Ma almenu lu cap ca zzita cu Gaetanu?

GIROLAMU: A quannu m, lassu lonuri a ma nora di spiegariccillu. Ma a propositu unni Gaetanu?

CUNCETTA: Curcatu, ca dicica cci gira a testa, nnuccenti la mamma; sa cha fari? Va chiama u dutturi ca un si po sapiri mai.

GIROLAMU: A cava essiri, tecchia dimpruenza; comunque u vaiu a chiamu, oi dominica per, vidimmu si veni, tantu andura era a chiazza, macari mentri Basiliu si nni un minutu o circolo ia mi misi a parlari cu dutturi e ci spiegavu chiddu chi successi airi e iddu mi cunt cumu fici Basiliu a divintari surdu. U vua sapiri?

CUNCETTA: No no, pua mu cunti, va chiama u dutturi e falla lesta.

GIROLAMU: Gn certu. (esce)

CUNCETTA:(ha finito di pulire e va a vedere come si sente il figlio) Vaiu a viu cumu si senti ddu carusu. (poco dopo suona il campanello) S un minutu (va ad aprire) Bongiornu dutt.

BENIAMINU:(persona goffa che parla e si muove molto lentamente) Bongiornu sign, unni Gaetanu?

CUNCETTA: Ni la so stanza, pi fauri cci nzignassi cocchi cosa a ddu picciliddu, ca un nnu puzzu vidiri quannu si senti mali.

BENIAMINU: Un si preoccupassi ava essiri mpruenzatu siddu cci gira a testa,

paccamora accusa piglia.(il dottore e Concetta vanno in camera di Gaetano)

GIROLAMU:(rimasto solo) Chissa idda fu, sopidda chi schifiu ci fici mangiari; prima fici stuccari li gammi a dda mischina da ma nora, ora avvelen u ma figliu, (pensandoci) minchia! A mia tocca, tocca mia ora, sugnu sicuru! (fa le corna per scongiurare il pericolo)

BENIAMINU:(i due ritornano in salotto) Nenti di gravi, mpruenzatu. Ora cci nzignu na pucu di midicinali e cci fazzu vidiri ca fra du iorna cci passanu tutti cosi. Allura, cava dari u sciroppu, cumu schifiu si chiama ca un mi ricurdu? Manzumma ci pinzu doppu a lu nomi. Stu sciroppu ci lava dari tri voti a lu iurnu, una vota la matina una vota a mazziurnu e una vota la sira. Pua i pinnuli Aulin, anchi chissi tri voti a lu iurnu, una vota la matina, una vota a mazziurnu e una vota la sira e pua pi finiri a tachipirina, anchi chissa (Concetta ripete insieme al dottore la frase, quasi a prenderlo in giro) una vota la matina, una vota a mazziurnu e una vota la sira, pi via anale, nooo! Orale, orale. Facimmu ssa cura pi tri iorna

CUNCETTA:(interrompendolo) Ma dutt mi li scrivissi tutti ssi midicinali, senn ia mi li scurdu.

BENIAMINU: Certu, certu. (prende una ricetta dalla ventiquattrore e scrive) Allura, tachipirina, aulin e Bedda Matri, cumu schifiu si chiamaddu midicinali, ne ca mi lu ricurdu. Tal ia cci scrivu sciroppu e pua sa sbrogia u farmacista (durante tutto il tempo che Beniamino ha scritto la ricetta Girolamo e Concetta agitano la mano, come per dire andiamo bene!) Anzumma, bon pranzu(Beniamino si alza per andare via, ma non riesce a completare la frase, quando si sentono delle urla da fuori)

TUTTI: Chi fu, chi successi, chi cci fu?

CUNCETTA:(rivolta al marito) Gir, affacciati a finescia e vidi chi successi

GIROLAMU:(si affaccia dalla finestra per capire cos successo e Concetta lo spinge appositamente facendolo cadere fuori per strada, nel frattempo dentro casa nessuno si accorto di nulla perch)

CATERINA:(entra in casa urlando a squarciagola e con un fucile in mano) Tammazzu, giuru ca fazzu un omicidiu, migliu stari in galera a lu friscu ca essiri

curnuta, ia un mi fazzu pigliari pi fissa. U capisti in galera s, ma curnuta no.(tutti rimangono terrorizzati e incapaci di fare qualcosa) Unni ca lammazzu, disgraziatu arrispunni, chiff ti scanti? O si mpilatu dd dintra cu dda ngrasciata. Nisci si ha curaggiu!!! (finalmente cercano di calmarla e Concetta riesce a farla sedere, ma non a toglierle il fucile dalle mani; la situazione sembra tranquillizzarsi)

GIROLAMU:(entra trascinando una gamba) Ahi! A gamma mi ruppi! Disgraziata, lu diciva ia ca tuccava a mia! (il dottore lo aiuta a sedersi, ma gli porge la sedia rotta che Concetta non ha ancora tolto dal soggiorno e Gerolamo cade nuovamente)

CUNCETTA: Strammatu nni la seggia rutta ti isti assittari?!

GIROLAMU:(il dottore lo soccorrono e quando si rialza lancia la sedia per colpire la moglie) Disgraziata!!! Ancora cca ssa seggia! Ma Bedda matri chi successi?

CATERINA:(c un po di calma,ma quando Gaetano arriva in soggiorno preoccupato per le urla che ha sentito, Caterina gli salta addosso) Scuscinziatu, ti fazzu vidiri ia si mha mittiri li corna!!! (Tutti si precipitano a calmarla e finalmente riescono a toglierle il fucile e a farla sedere, fino a quando)

ROSALIA:(preoccupata per le urla che ha sentito entra in casa) Chi fu?

CATERINA:(le salta addosso) Pezza dinchiappata, siddu ci pruvu ancora ti rumpu li corna, anzi ti livu di mizzu prima a tia e pua a iddu cosa fitusa. (riprende il fucile) U capistivu?!!! (stessa scena di prima)

BENIAMINU:(rivolto a tutti) Tinitila ca cci fazzu na bella nizzioni.(camminando lentamente prende la puntura dalla borsa e va per fare la puntura)

CUNCETTA: A ssa misa, arridducimmuni, dutt!!!

BASILIU:(Caterina continua a fare casino) Arma di Dia, aiutami.(poi rivolto a Caterina) Arma dannata zittuti.

CUNCETTA: Dutt, ci nni facissi una a ma maritu videmma! Chi mpirnu, chi mpirnu! Ora basta per, vugliu tanticchia di silenziu nni sta casa! Caterin la mamma, mu vua spiegar chi successi? Con calma per, con calma pi fauri.

ROSALIA:(Rosalia trema ancora dalla paura e viene adagiata su una sedia dal

dottore che le d un calmante, poi lo d anche a Caterina)

CATERINA: Ia vi lha spiegari chi successi?!!!

GIROLAMU: SANTA PACINZIA Cater ma muglieri arraggiuni avi, spieganni chi ti ficimu? Macari ia, chi ti fici ia, ca parsi ca pass na trummazza daria ca mmeci di sciaminari a ma muglieri si purt a mia!

CATERINA: Cridiavu ca un lavia viniri a sapiri mai? Lu paisi nicu e pi fortuna li vuci circolanu.(lancia occhiate a Rosalia e Gaetano)Ora ora, vinni nni mia u zzi Basiliu, e mi cunt chiddu ca si dissiru airi cca, ssi du fitusi, ma ia vammazzu!

TUTTI: Ah! Chissu era?!

CATERINA: Evi pari nenti a vuantri? (tutti ridono) Chi c darridiri?!!!

CUNCETTA: Arraggiuni ha, tu un sa nenti

CATERINA: No, si sbaglia, ia sacciu tutti cosi

GIROLAMU: Lu fattu cara Caterina ca Basiliu mischinu addivint surdu

CATERINA: Va bb chi mi voli pigliari pi fissa?

GIROLAMU: Beniam spiegaccillu tu chi successi.

BENIAMINU: S ma calmativi, calmativi, un c bisugnu di fari accuss, ca ora spiegammu tutti cosi, allura, lu fattu

CUNCETTA: Di ssa misa

BENIAMINU: Dunque, stava dicinnu ca Basiliu, na simana fa, appi nincidenti di caccia e rist mizzu surdu

GIROLAMU: Mizzu pi un diri tuttu!

BENIAMINU:(rivolto a Girolamo) Ha na dilicatizza pi diri li cosi. Comunque cara Caterina un cosa gravi. Cci fici fari na visita mPalermu e tra un misi avissi a guariri.

CATERINA:(li guarda stupita) Si ma un haiu caputu chi centra chissu cu chiddu chi ficiru cca, ddu schifosu e ddadda ciaula!

CUNCETTA: Prima di tuttu un ti pirmittu di chiamalla ciaula, ma scusari la mamma siddu ti parlu accusu, ma Rosalia na picciotta pulita. Allora ascunta, airi Rosalia vinni cca pi fari laguri a Gaetanu pi lu vosciu fidanzamentu, ma ccacera videmma Basiliu ca cap na cosa pi nantra

GAETANU: Infatti, ia salutavu a Rosalia dicinnucci sti semplici paroli: ciao Rosal ass avi ca unni vidimmu; Basiliu chi cap mmeci: ciau amuri m ass avi ca unni vasammu. E di dducu accuminci lu mrugliu e un ci fu virsu di faricci capiri ca a ma zzita si tu!

CATERINA:(dispiaciuta scoppia a piangere) Bedda Matri mi dispiaci, chi vriogna, ia un sapia nenti di Basiliue appena ci sintivu diri ddi cosi macchian u sangu ntesta. Mi dispiaci Rosal pi tutti ddi cosi chi ti dissi.

ROSALIA: Un ti preoccupari, limportanti ca un successi nenti, forse videmma ia o pustu tua avissi fattu la stessa cosa, anchi si un criu cavissi avutu u coraggiu di pigliari u fucili. (tutti scoppiano a ridere)

GAETANU: Pi s e pi no, quannu ni maritammu fucili dintra unni tignu. (tutti ridono poi suona il campanello)

GIROLAMU: Vaiu a grapu ia. (ironico) Ah! Bongiornu!

BASILIU: Bongiornu, mih, ma tutti cca siti? Chi c festa?

GIROLAMU: Astavamu facinnu veru na bella festa a causa da to surdania!

BASILIU: Veru, stavavu facinnu na bella lista in casu di cerimonia? E ia ci sugnu mmitatu?

TUTTI:(si guardano)

BASILIU: Allora ci sugnu mmitatu?

GAETANU: Mmitatu, !

BASILIU: Chi, svitatu?!

TUTTI: (urlando) Mmitatu , mmitatu , SANTA PACINZIA!

FINE

Questo copione è stato visto: